

丹溪先生醫著四種



丹溪先生金匱鉤玄目錄

卷第一

中風

六鬱

癰

寒

傷寒

暑

注夏

暑風

濕

內傷

火

傷風

發斑

疹

溫病

瘡

咳嗽

痰

喘

哮

痢

禁口痢

泄瀉

脾泄

霍亂

乾霍亂

嘔吐

惡心

翻胃

傷食

痞

噎氣

吞酸

嘈雜

五疸

消渴泄瀉

水腫

鼓脹

自汗

盜汗

吃逆

頭風

頭痛

頭眩

眩暈

眉痛

耳聾

卷第二

心痛

腰痛

脇痛

腹痛

痛風

勞瘵

咳血

嘔血

咯血

衄血

溺血

下血

腸風

夢遺

精滑

濁

淋

小便不通

關格

小便不禁

癰

健忘

怔忡

驚悸

瘥

血塊

吐蟲

癥瘕

疝

腳氣

痿

發熱

陽虛惡寒

手心熱

手麻

手木

厥

面寒面熱

喉痺

纏喉風

咽喉生瘡

口瘡

酒查鼻

肺癰

肺痿

天庖瘡

漏瘡

痔瘡

腸癰

結核

脫肛

卷第三

婦人科

經水

血崩

帶下赤白

白帶并痛風

子嗣

胎前

胎動

惡阻

束胎

安胎

胎漏

子腫

難產

催生方

產後

血暈

補虛

消血塊

泄

惡露不盡

中風

發熱惡寒

小兒科

吐瀉黃疸

急慢驚風

疳病

痘瘡

腹脹

夜啼

口糜

脫囊

脫肛

木舌

癰症

咯紅

喫泥

痢疾食積

解顱

虻蟲

口噤

風痰

癩頭

赤瘤

鼻赤

金匱鉤玄

丹谿先生金匱鉤玄卷一

門人戴元禮錄

中風

大率主血虛有痰以治痰爲先或虛挾火與濕亦有死血留滯者
外中於風者亦有中氣者當從痰治順氣化痰若口開手撒眼
合遺尿吐沫直視喉如鼾睡肉脫筋痛者皆不治

半身不遂大率多痰在左屬死血無血在右屬痰有熱氣虛

病若在左者四物湯等加桃仁紅花竹瀝薑汁在右者二陳湯四
君子等加竹瀝薑汁

痰壅盛者口眼喎斜者不能言者皆當吐

吐法輕用瓜蒂鰕汁皂角重用藜蘆半錢或三分加麝香灌入鼻
內或口內吐痰出一吐不已再吐之亦有虛而不可吐者

氣虛卒倒參芪補之

氣虛者有痰濃參湯合竹瀝薑汁

血虛宜四物湯俱用薑汁炒恐泥痰再加竹瀝薑汁入內服能食者去竹瀝加荆瀝

又法以猪苓皂角白礬等分爲末薑湯調下名落涎散

血虛者四物湯補之 挾痰者亦用薑汁竹瀝

脉訣內言諸不治證見則不可治筋枯者不治舉動則筋痛者是筋枯以其無血滋潤故也

治痰氣實能食用荆瀝 氣虛少食用竹瀝

此二味用開經絡行血氣入四物湯中必用薑汁助之

肥白人多濕少用附子烏頭行經

初昏倒急掐人中至醒然後用去痰藥二陳湯四物四君子等湯加減用

六鬱

戴云鬱者結聚而不得發越也當升者不得升當降者不得降當變化者不得變化也此爲傳化失常六鬱之病見矣氣鬱者胃

脇痛脈沈澁濕鬱者周身走痛或關節痛遇陰寒則發脈沈細
痰鬱者動則卽喘寸口脈沈滑熱鬱者瞋小便赤脈沈數血鬱
者四肢無力能食便紅脈沈食鬱者噯酸腹飽不能食人迎脈
平和氣口脈緊盛者是也

氣血中和萬病不生一有拂鬱諸病生焉

氣鬱 香附子 蒼朮 川芎

濕 蒼朮 川芎 白芷

痰 海石 香附 南星 瓜蘖

熱 青黛 香附 蒼朮 川芎 梔子

血 桃仁 紅花 青黛 川芎 香附

食 蒼朮 香附 鍼沙醋炒 山查 神麴炒

春加芎 夏加苦參 秋冬加吳茱萸

越鞠丸 解諸鬱 又名芎朮丸

蒼朮 香附 撫芎 神麴 梔子等分爲末水丸如菉豆大

凡鬱皆在中焦以蒼朮末撫芎開提其氣以升之假如食在氣上提其氣則食自降餘皆倣此

癰

大風病是受得天地間殺物之氣古人謂之癘風者以其酷烈暴悍可畏耳人得之者須分在上在下夫在上者以醉仙散取涎血於齒縫中出在下者以通天散取惡物陳蟲於穀道中出取出雖有道路之異然皆不外乎陽明一經治此證者須知此意看其疔瘡與瘡上先見者上體多者在上也下先見者下體多者在下也上下同得者在上復在下也陽明胃經與大腸無物不受此風之入人也氣受之則在上多血受之則在下多血氣俱受之者上下俱多也自非醫者神手病者鐵心罕有免此夫從上從下以漸而來者皆可治人見其病勢之緩多忽之雖按法施治病已痊可若不能忌口絕色皆不免再發發則終於不能救也余曾治五人中間惟一婦人不再發以其貧甚而且寡

無物可喫也餘四人三四年後皆再發孫真人云吾嘗治四五
十人終無一人免於死非真人不能治蓋無一人能守禁忌耳
此婦人本病藥外又服百餘貼加減四物湯半年之上方得經
行十分安愈

治法 在上者醉仙散在下者通天再造散後用通神散及三稜鍼
於委中出血但不能忌口絕房者不治之也

醉仙散

胡麻仁

牛蒡子

蔓荊子

枸杞子

各半兩爲粗末同炒紫色

白蒺藜

苦參

瓜蒌根

防風

各半兩

右八味爲細末每一兩半入輕粉三錢拌勻大人一錢空心日午

臨睡各一服淡茶調下五七日間必於齒縫中出臭涎水渾身

覺痛昏悶如醉利下惡臭屎爲度量大小虛實加減與之證候

重而急者須以再造散下之候補養得還復與此藥喫須斷鹽

醬醋諸般魚肉椒料果子燒炙等物止可淡粥及淡煮熟時菜

食之茹尚不可食惟有烏稍蛇菜花蛇可以淡酒煮熟食之以助藥力

再造散

鬱金

半兩
生用

大黃

一兩

皂角刺

一兩
黑者
大者

白牽牛

頭末六錢半
炒半生用之

右爲末五錢臨夜冷酒調下以淨桶伺候泄出蟲如蟲口黑色乃是多年蟲口如赤色是近者三數日又進一服直候無蟲卽絕根也

寒 主乎溫散

有卒中天地之寒氣有口傷生冷之物

戴云此傷寒謂身受肅殺之氣口食冰水瓜果冷物之類病者必脈沈細手足冷息微身倦雖身熱亦不渴倦言語或遇熱病誤用此法輕者至重重者至死凡脈數者或飲水者或煩燥動搖者皆是熱病寒熱二證若水火也不可得而同治誤卽殺人學

散之類急治則可遲則不可治矣或火乘金也此爲中暑凡治病須要明白辨別慎勿滾同施治春秋間亦或有之切莫執一隨病處方爲妙

黃連香薷飲 挾痰加半夏 乘虛加人參黃芪或清暑益氣湯加減用之

注夏 屬陰虛元氣不足

戴云秋初夏末頭痛腳軟食少體熱者是也補中益氣湯去柴胡升麻加炒黃柏挾痰止用南星半夏陳皮之類或生脈散出千金方

暑風

戴云暑風者夏月卒倒不省人事者是也有因火者有因痰者火君相二火也暑天地二火也內外合而炎爍所以卒倒也痰者人身之痰飲也因暑氣入而鼓激痰飲塞礙心之竅道則手足不知動躍而卒倒也此二者皆可吐內經曰火鬱則發之挾

火挾痰實者可用吐法吐即發散也量其虛實而吐之吐醒後可用清劑調治之

濕

戴云濕有自外入者有自內出者必審其方土之致病源東南地
下多陰雨地濕凡受必從外入多自下起以重腿脚氣者多治
當汗散久者宜疎通滲泄西北地高人多食生冷濕麵或飲酒
後寒氣拂鬱濕不能越作腹皮脹痛甚則水鼓脹滿或通身浮
腫如泥按之不起此皆自內而出也辯其元氣多少而通利其
二便責其根在內也此方土內外亦互相有之但多少不同須
對證施治不可執一本草蒼朮治濕上下俱可用二陳湯加酒
苓羌活蒼朮散風之藥行溼最妙

內傷

內傷病退後燥渴不解者有餘熱在肺家可用參苓甘草少許薑
汁冷服或茶匙桃薑汁與之虛者可用人參湯世之病此者爲

多但有挾痰者有挾外邪者有熱鬱於內而發者皆以補元氣
爲主看其所挾之病而兼用藥

火

有可發者二 風寒外來者可發 鬱者可發 陰虛火動難治
火鬱當發看何經 輕者可降 重則從其性升之 實火可瀉
小便降火極速凡氣有餘便是火 火急甚重者必緩之生甘草
兼瀉兼緩人參白朮亦可

人壯氣實火盛顛狂者可用正治或硝冰水飲之

人虛火盛狂者可用生薑湯與之若投以冰水正治立死有補陰
卽火自降者炒黃柏地黃之類山梔子仁大能降火從小便泄
去其性能屈曲下行降火人所不知

凡火盛者不可驟用涼藥必用溫散又方左金丸治肝火

黃連

六兩

茱萸

一兩或
半兩

水爲丸白湯下五十丸

傷風

戴云新咳嗽鼻塞聲重者是也 屬肺者多 散宜辛溫或辛涼

之劑

發斑 屬風熱

戴云斑有色點而無頭粒者是如有頭粒卽疹也風熱挾痰而作
自裏而發於外通聖散消息當以微汗而散之下之非理也
內傷斑者胃氣極虛一身火遊行於外所致宜補以降之發斑似
傷寒者痰熱之病發於外微汗以散之下之非理也

疹

戴云疹浮小有頭粒者是隨出卽收收則又出者是也非若斑之
無頭粒也當明辨之

屬熱與痰在肺清肺火降痰或解散出汗亦有可下者

溫病

眾人病一般者是也又謂之天行時疫有三法宜補宜降宜散

又方

大黃 黃芩 黃連 人參 桔梗 防風 蒼朮 滑石

香附 人中黃

右爲末神麴爲丸每服五七十丸分氣血痰作湯使氣虛四君子湯血虛四物湯痰多二陳湯送下如熱甚者可用童子小便送下

大頭天行病東垣有方 羌活 酒芩 大黃 酒蒸

冬溫爲病非其時而有其氣者冬時君子當閉藏而反發泄於外專用補藥帶衣

又方以竹筒兩頭留節中作一竅納甘草於中仍以竹木釘閉竅於大糞缸中浸一月取出晒乾專治疫毒

瘧 有風有暑有食老瘧瘧母痰病

老瘧病此係風暑入陰分在臟用血藥川芎撫芎紅花當歸加蒼朮白朮白芷黃柏甘草煎露一宿次早服之無汗要有汗散邪

爲主帶補有汗要無汗正氣爲主帶散有瘧母者用丸藥消導
醋煮鱉甲爲君三稜蓬朮香附隨證加減

三日一發者受病一年間發者受病半年一日一發者受病一月
連二日發住一日者氣血俱受病一日間一日者補藥帶表藥
後用瘧丹截之在陰分者用藥徹起在陽分方可截之

又方 草果 知母 檳榔 烏梅 常山 甘草 川山甲

炮 用水酒一大碗煎至半碗露一宿臨發日前一二時溫服如吐
則順之

截瘧青蒿丸

青蒿 一兩 冬青葉 二兩 馬鞭草 二兩 官桂 二兩

右三藥皆晒乾秤爲末法丸如胡子椒子大每兩作四服於當發
前一時服盡

大法暑風必當發汗夏月多在風涼處歇遂閉其汗而不泄因食
者從食上治